

卷世宗嘉獎之南州有處士萬甲者窮而依觀樞館  
穀周恤三十年如一日弟觀鞅亦以詩畫著名請辭  
祿廬墓不允同時有鉅墅中尉頤塚安丘將軍頤舖  
皆倜儻有逸才聲詩清拔而樂陵王子頤棧亦善詩  
輔國將軍成鋌弟成鏐代隰川王諸孫也父仕塏坐  
罪幽鳳陽嘉靖初病死成鋌微服走視自劾越禁乞  
負父骸歸葬卽不得請願畱墓側詔許鋌祭父葬所  
卽歸雲中卒叛成鏐言叛卒之變幸獲銷平貪酷官  
吏實其釁端臣妄有慮天下之變隱于民心異日不  
獨一雲中而已究消弭之術莫若先清仕途嚴誅貪